

傷寒六書

卷四

新鐫陶節菴家藏秘授傷寒六書卷之六

明餘杭節菴陶華撰

傷寒三陰三陽脉証論

傷寒汗下溫之法最不可輕據脉以驗証向証而對脉太陽者陽証之表也陽明者陽証之裏也少陽者三陽三陰之間太陰少陰厥陰又居于裏總謂之陰証也發于外則太陽爲之首發于內則少陰爲之先太陽惡寒而少陰亦惡寒但太陽之脉多浮少陰之脉沉細與其他証狀亦自異也發熱惡寒身體疼痛或自汗或無汗是爲表証可汗不惡寒反惡熱口燥咽乾壯熱腹滿小便如常而大便秘結是爲裏証可下厥冷囊卷自利煩燥而無身熱頭痛是爲陰証可溫浮洪緊數此表病之脉沉實

滑數此裏病之脈微細緩弱此陰病之脈在表者邪傳于營衛之間在裏者邪入于胃腑之內胃腑之下少陽居焉若傳之陰則爲邪氣入臟矣營與衛俱爲表也亦均可汗也然有汗者爲傷風風傷衛氣則以桂枝助陽而汗之輕無汗者爲傷寒寒傷營血則以麻黃湯助陽而汗之重營衛固爲表也胃臟亦可以爲表也然以腑臟而分表裏則在腑爲之表在臟爲之裏胃取諸腑可以表言若合營衛腑臟而分之則表者營衛之所行裏者胃腑之所主而臟則又深于裏者矣審脈問証辨明定經眞知其爲表邪者則汗之眞知其爲裏邪者則下之眞知其爲陰証者則溫之表有邪則爲陽虛陰經受邪則爲臟病而溫裏之藥熱如此而汗如彼而下又如彼而溫桂枝承氣投之不差姜

附理中發而必中。大抵治傷寒有法。投劑少差。死生立見。古人
處方立論曰。可汗曰可下曰可溫曰和解曰少與曰急下。與夫
先溫其裏。乃發其表。先解其表。乃攻其裏。謂知奇者。若網在綱。
有條不紊。論至于此。則知古人之立論甚嚴。而汗下溫之法。亦
不可輕也。信矣。經曰。傷寒六七日。日中不了了。無表証。脈雖浮。
亦有可下者。少陰病二三日。無裏証。亦有可汗者。陰証四逆法。
當用溫。而四逆散性寒。豈可用哉。曰。醫在九流之中。非圓機之
士。不足爲語也。脈雖浮而亦可下者。無表証。謂六七日不大便。
假使大便不難。其敢輕下之乎。少陰病亦有可汗者。少陰本無
熱。反發熱而表猶未解。故用溫藥。微取其汗也。假使身不發熱。
其敢輕汗之乎。四逆湯用姜附。四逆散用枳柴。一寒一熱。斯五

四逆固不侔矣。然傳經之邪與陰經受邪初病便厥者不同。四逆散用藥寒。主先陽後陰也。四逆湯用藥熱。主陽不足而陰有餘也。若張氏之論。曰數多則曰日數雖多。但有表証而脈浮者。猶可發汗。日數雖少。若有裏証而脈沉實者。即須下之。此日數之不可拘也。至于陽極發厥。陰極發燥。陰証似陽。陽証似陰。差之毫釐。繆以千里。可不深思而熟慮也哉。

論陰陽虛實用藥寒溫辨

傷寒一書。所謂陰陽虛盛。則精微之義。不無辨析。予其間四十八難曰。病之虛實。出者爲虛。入者爲實。蓋表之眞陽既虛。故陰邪以盛出而乘陽。是以脈浮于外。其病在表。法當汗之。當其陰邪出表。脈浮于外之時。不可自惑。以爲陽脈盛也。裏之眞陰既

虛故陽邪以盛入而乘陰是以脉入于內其病在裏法當下之
當其陽邪入裏脉實于內之時不可自惑以爲陰脉盛也是說
非古人之立言也蓋使人知如此之爲陰盛則抑陰而助陽如
彼之爲陽盛則抑陽而助陰陰甚則邪出于外者發表之藥當
性溫以助陽氣如桂枝湯之類是也陽盛則邪入于內者攻裏
之藥當性寒以抑陽氣如承氣湯之類是也或曰陰出而乘于
外是陽之不足也陽病則當有以發表而汗之何哉是大不然
陰邪傳于外汗之則邪何由而去桂枝之性溫溫之乃所以
助陽陽有所助而長則陰邪之所由以消辛甘發散爲陽者此
也張氏所謂承氣入胃陰盛乃亡者正恐陰盛出外而誤以承
氣下之安得而不亡或者有陽入而承于內是陰之不足也陰

病則當有以溫寒而下之何哉。是又不然。陽邪入于內不下之。則邪從何而出。承氣之性寒。寒之乃所以抑陽。陽受其抑。則微而真陰之所由以長。酸苦湧泄爲陰者。此也。張氏所謂桂枝下咽。陽盛則斃。正恐陽盛入內而誤以桂枝汗之。又安得而不死。觀古人發表之藥多溫。攻裏之藥多寒。則知陰陽虛實之意。微非止于汗下設矣。所以爲用藥寒溫設也。

六經用藥格法

太陽屬膀胱寒水。非發汗不能愈。亦有桂枝麻黃以助陽祛邪。此膀胱寒水之經。有標本之作。風寒初客。仍在表。宜用辛溫之劑以發散之。若無頭痛惡寒。或非冬時。皆不可用。○陽明屬胃。非通泄不能痊。必用大黃芒硝以疎利陽熱。此言表証已罷。頭

痛惡寒已除則熱歸陽明之本矣宜承氣湯寒劑以泄熱若惡寒未除則爲表寒邪尙在不可下也冬時亦宜用不可拘忌○少陽屬胆無出入之道柴胡半夏能利能汗消解血熱黃芩佐之○太陰脾土惟惡寒濕非乾姜白朮不能燥濕也○少陰腎水惟惡寒燥非附子不能溫潤○厥陰肝木藏血榮筋非芍藥甘草不能滋養此用藥經常之道也

陰陽虛盛用藥寒溫辨

夫傷寒發表攻裏之藥寒熱殊途用之一差死生反掌所以越入仲景深致意于其間也難經云傷寒陽虛陰盛汗之則愈下之則死陽盛陰虛汗之則死下之則愈且寒邪之傷人也有淺深焉淺者汗之深者下之此古今不易之定法也方其風寒初

客皮毛之間。陰氣乃盛。閉塞腠理。身中陽氣已虛。不能禦衛。遂有惡風惡寒之証。見焉。當此之時。止宜桂枝湯。辛甘溫之藥。助陽抑陰而發之。陰邪既散。表氣冲和而愈。經云。辛甘發散爲陽者。是也。不知用此而反以承氣湯。苦寒之藥下之。表裏俱傷。不亡何待。表邪既罷。寒作爲熱。陽陷入深而盛于裏。則津液消耗。腸胃燥澀。而臟腑之真陰虛矣。陰氣既虛。卽謗妄狂燥煩渴惡熱之病而作也。當此之時。宜用承氣湯。苦寒之劑。扶陰抑陽而泄去熱氣。陽邪卽退。胃中真陰來復。裏氣和平而愈。內經所謂酸苦湧泄爲陰者。是也。不知用此。乃以桂枝辛熱之藥助邪伐正。安有不斃者乎。所以仲景云。桂枝下咽。陽盛則斃。承氣入胃。陰盛乃亡。良以此夫。嗚呼。此論誠爲傷寒汗下之樞机乎。庸醫

不能達此爲妙。昧于陰陽虛盛之道。悖逆此理而不殺人也。幾希。經云發表不遠熱。攻裏不遠寒。豈虛語哉。

三陰三陽脉証

經云尺寸俱浮大者陽受病也。當一二日發。以其脉上連風府。故頭項痛。腰脊強。傷寒則發熱惡寒。傷風則鼻塞惡風。然傷風有汗。傷寒無汗。尺寸俱長者陽明受病也。當二三日發。以其脉夾鼻絡于目。故身熱目疼。鼻乾不得臥。又曰不惡寒而作渴。皆爲在經。不惡寒反惡熱。自汗出。大便難。○尺寸俱弦者少陽受病也。當三四日發。以其脉循脇絡于耳。故胸脇痛而耳聾口苦咽乾。目眩。往來寒熱而嘔。此三經受病。未入于腑者可汗而已。○尺寸俱沉細者太陰受病也。當四五日發。以其脉布胃中絡

于噤故腹滿而咽乾或腹痛手足溫自利不渴○尺寸俱沉者
少陰受病也當五六日發以其脈貫腎絡于肺繫舌本故口燥
舌乾而渴惡寒口中和默默欲寐時時腹痛又咽痛三証○尺
寸俱微緩者厥陰受病也當六七日發以其脈循陰器絡于肝
故煩滿而囊縮唇青舌捲筋急或渴不欲食即吐衄此三經皆
受病也已入于腑者可下而已此皆自陽經傳來者故宜下而
去之非若陰經自中之寒此則爲真陰証矣當用四逆湯溫之

汗下溫正法

太陽傷風自汗惡風桂枝湯傷寒無汗惡寒麻黃湯陽明不惡
寒反惡熱自汗者大便秘大柴胡湯小承氣湯汗不止者胃汁
乾急下之大承氣湯無汗惡寒升麻葛根湯有汗脈遲微惡寒

爲表未解桂枝湯無汗脉浮而喘麻黃湯○少陽証病屬小柴
胡湯太陰自利不渴爲臟寒理中湯四逆湯胸中脹滿枳實理
中丸脹滿脉浮桂枝湯脹滿時痛桂枝加芍藥湯痛甚桂枝加
大黃湯○少陰脉沉口不乾舌不燥背惡寒小便清白四逆湯
始得病脉脉沉反發熱麻黃附子細辛湯口燥咽乾而渴急下
之大承氣湯六經中惟此一經難治大要以口燥而渴知其熱
脉沉而遲別其寒○厥陰脉微浮爲欲愈不浮爲未愈小建中
湯脉浮緩如瘰狀桂枝麻黃各半湯脉沉短者囊必縮爲毒氣
入臟承氣湯下之利不止者四逆湯

傷風見寒傷寒見風脉証

熱盛而煩手足自溫脉浮而緊此傷風見寒脉也不煩少熱四

肢微厥脈浮而緩此傷寒見風脈也○二者爲營衛俱病法用大青龍湯然不可輕用須風寒俱盛又加煩燥方可與之○一法以桂枝麻黃湯尤穩今改羌活湯

三陽合病

本太陽病若汗若下若利小便無津液胃中燥轉屬陽明是爲脾約若惡寒用升麻葛根不惡寒反惡熱大便難白虎湯譫語者調胃承氣湯下之喘而胸滿者不可下麻黃湯太陽少陽頭項強急脇下硬滿目眩往來寒熱小柴胡湯○少陽陽明本少陽病因爲發汗利小便後胃中燥大便難屬調胃承氣湯正陽陽明乃本經風盛氣實也大柴胡湯大小承氣湯選用之○三陽合病腹滿身重譫語遺尿口中不仁屬白虎湯口乾舌燥不

仁背惡寒。向太陽陽明少陽陽明正陽陽明無表証者俱可下。惟惡寒者為太陽陽明合病。未過經為屬表。可發汗。桂枝麻黃各半湯。蓋在經則汗過經則下也。

太陽陽明併病

本太陽病發汗則汗出不徹。因轉出陽明。續自微汗出。不惡寒。是併歸陽明也。○太陽証尚在。桂枝麻黃各半湯。太陽証也。大小承氣湯。陽明証也。

春溫變熱

溫熱病者。冬時感寒。偶不即發。寒毒藏于肌膚。至春變為溫病。

夏變為暑病。暑病者熱又甚于溫也。溫病發于春三月。夏至前是也。發熱咳嗽。頭痛身痛。口燥渴。脈浮弦。熱甚者小柴胡湯熱。

微者升麻葛根湯解肌湯微熱不渴小柴胡加桂枝湯者加五
味渴者去半夏加栝蒌人參脈實煩渴者大柴胡湯微利之以
其脈實必大便難也虛煩者竹葉石膏湯然用羌活湯解之爲
當渴加知母石膏○夏月熱病發熱頭疼身體痛重不惡寒而
惡熱其脈洪不可溫宜羌活湯渴加知母石膏三夏至夏謂之
晚發枝子升麻湯有少陽証者小柴胡湯更于前方內選用若
春夏有惡風惡寒煩傷寒証者蓋當時暴中風寒之氣新病卽
非冬時傷寒通用羌活湯治之

痙

痙者先太陽中風重感寒濕所致經曰身熱足寒頸項強急惡
寒時時頭熱面赤目赤獨頭面搖卒口禁背反張者痙病也桂

枝加括萆湯主之傷風頭痛常自汗出而嘔者若汗之必發瘧
大發濕家汗亦作瘧新產血虛汗出傷風亦作瘧若其脈沉弦
而遲或帶緊或散于指外皆惡候也○發熱無汗惡寒爲剛瘧
葛根湯或麻黃葛根湯發熱有汗不惡寒爲柔瘧桂枝加葛根
湯桂枝括萆葛根湯二瘧通用小續命湯剛瘧爲陽去附子柔
瘧爲陰去麻黃剛瘧胸滿口噤咬牙腳攣臥不着席大承氣湯
下之柔瘧桂枝白朮湯附子防風湯白朮散桂枝煮散選用

風溫溼溫

風溫尺寸俱浮柔傷于風因而傷熱風與熱搏卽爲風溫其外
証四肢不收身熱自汗頭疼喘息發渴昏睡或体重不仁慎勿
發汗汗之則譫語煩躁目無精彩病在少陽厥陰二經葳蕤湯

人參敗毒散葛根龍胆湯小柴胡湯選用未醒者柴胡桂枝湯
○發汗已身灼熱知母葛根湯渴甚括蕢根湯脉浮身重汗出
漢防已湯誤汗風濕防已黃耆湯○溼溫寸濡而弱尺小而急
素傷于溼因而中暑溼與熱搏卽爲溼溫其狀胸腹滿目痛壯
熱妄言自汗兩脛逆冷攣急惡寒若發其汗使人不能言耳聾
不知痛處其身青而色變醫殺之耳○溼溫大陽經用白虎蒼
朮湯加桂枝溼勝則一身盡痛發熱身黃小便不利大便反快
五苓散加茵陳臟腑虛自利甚理中湯朮附湯

風溼中溼

風溼勝_脉浮先傷溼而後傷風也其証肢體腫痛不能轉側額上
微汗惡寒不欲去衣大便秘小便利熱至日晡西而劇治法但